

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

CXCI.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

um charissimum, per has literas aditum aperire volui, ut non deesset bono viro, apud vos ignoto, occasio vos compellendi.

Eum ita tibi commendo, ut qui omnium bonorum virorum favore & studio dignissimus sit, & te oro, ut quâ fide & zelo hæcenus Reichenvillanam Ecclesiam tuo consilio atque ope juvisti, eodem & operam tuam Ecclesie ac Superattendenti novo Mompelgardensi, si res ferat, præstes: à Domino mercedem, à M. Pistorio debitam observantiam, à nobis omnia pietatis officia expectans. Vale.

Reverendum vestrum presbyterium omne, imprimis Dominos Flinærum & Papum reverenter ex me salutari cupio. D. D. Jacobus Andrea, ab Illustrissimo nostro principe in Alen, petentibus civibus, mittitur, quod est imperii oppidum, intra Gemundam & Nördlingam situm, ut eo in loco ecclesie reformationem instituat. Nam cives repudiata idolatria Papistica, Augustanam Confessionem amplexi sunt. Datæ 24. Junii, Ao. 75.

I.

Balth. Bidenbach.

CXCL

S. D. Reverende & carissime L. Erasme.

L iteras tuas, VI. Id. Septembris, Nicolao Engelardo, qui Wittebergæ sublitit, datas, Idibus Aprilis accepi. Priores etiam mihi redditæ sunt, ex quibus cum intelligam, non ingrata vobis esse qualiacunq; officia mea, in fratrem Philippum colata, ego sane eo ipso beneficium me à vobis singulare accepisse judico. Cum enim a prima ferè ætate mea, illustris & eximia Clarissimi patris vestri, erga meum Patrem & me benevolentia & fides verè paterna fuerit, lætaret sanè, aliquid grati animi testimonium, ipsi non ingratum, à me proficisci potuisse. Fratrem Philippum intelligo jam Scholæ Styriacæ Gubernatorem supremum esse, mortuo Ofio. Valentinum Erythræum audio operam suam Julio Duci Brunsvicensi in nova Academia Helmstadiensi addixisse. Eò & ego invitator. Sed jam de migratione in celestem Academiam potius cogito. Ideoq; & Wittebergensem vocationem superiore vere excusavi. Ab Oldenburgio triginta Joachimicos tandem extorsi. M. Jacobo mature satisfactum est. Reliquos decem remittam, cumprimùm certi hominis facultas erit. Nam huic Terræ filio credere non audebam. Reverendis parentibus tuis salutem reverenter opto, congruentem ad dulcissimam Pſalmi sententiam: Plantati in domo Domini, in atris domus DEI nostri floreant, atq; etiam in senecta
vigen-

vigentes & florentes erunt. Bene vale. Rhodopoli. Die S. Ulrici episcopi Augustani, anno Christi, 974. ex hac vita evocati.

David Chytræus.

CXCII.

KYberi casus, quam vos afflixerit, æstimationem ex me facio, qui sum hoc ipso non leviter perturbatus, conolor tamen me ipsum eo argumento, quod melancholia graviore impulsus eum oberrare conijciam. Accidit idem cuidam Diacono ex Basilea nostra oriundo, qui ex improvise per avia ex Hochbergico Marchionatu Rotenburgum sine omni viatico pervenit. Ubi in hospitali per aliquot dies benigne sustentatus per vicina loca oberravit, donec tandem per Schaffusiam sua sponte ad nos perveniret, à parentibus ergo alitus, medicorumque usus opera ad mentem rediit, & nunc uxoratus & pater factus in ditione nostra ministerio fungitur non ignaviter. Sic etenim exercet Dominus non raro magna ingenia, quæ ut pietissimæ memoriæ vir, C. Capito, speciem dementiæ omnia affirmabat habere, ut postea probata, exercitaque ad gloriam sui nominis illustrandam uberius serviant. Ex Gallia accipimus pro certo, Helvetios nostros à Mompronio circumventos stratagemate cladem passos, amissa vexilla, trucidatos duces, quos alii undecim, alii plures esse affirmant, superstites autem, qui effugere, in oppido quodam obsideri. Füglinus noster morbo diuturno, eoque gravi laborat, quem tuis & symmistarum precibus unicè commendo. Bene vale in Christo Jesu cum uxore, familia, symmistis, quos salvos jubeas meis verbis reverenter. Basl. 9. Julii, Anno 75.

Tuus ex animo ut semper

Sulcerus.

CXCIII.

S Desiderium literarum tuarum, quo ardente flagrabam, egregiè binis tuis implevisti, multisque modis animum meum refecisti, communicatione rerum in Styria gestarum, in Disputatione pia & erudita, quam spero fructum daturam esse illustrem, & amentiam hypocritarum protractam in lucem magis magisque manifestam fore. Saxonicos ministros nunc audio quietos esse admodum, inque ædificationem sedatè concorditerque incumbere. Ac

Uuu 2

quod